

重刊道藏輯要

心傳述證錄

梅芳老人輯

無極之真 非有非空

萬象備具 有理無形

無無不有 虛而能盈

三教之祖 體用未呈

無內無外 通幽通明

何思何慮 希臭希聲


寂然不動 表裏鞏靈

範圍天地 道不虛行

無

極

圖



道藏輯要

心傳述證錄
無極圖

二 鬼集七
二〇三

沂陽子曰無極者靜也虛也性也命也至誠無息大道元貞一
圈朕兆吾無能名昔賢傳述

無極子孚佑帝君云先天混混沌沌陰陽未分氣與理附乃無
極也人以一心而參至妙至玄之理以一身而備三才萬化之
機道法雙修體用不悖夫大道生虛空虛空運大道大道乃虛
空之父母虛空乃天地之父母虛空無際故能生天地空中不
空故能生虛空空空中不空乃真空真空乃大道之根此言無極
真宰也至哉言乎是編盡闡儒道同源真諦故後多引述印證
焉後之學者幸勿歧視三教乃於聖賢路徑有入門處也